

*Chancellor* Blank: Qhia ntxiv txog cov qauv *Smart Restart* rau lub caij ntuj sov

Rau peb cov neeg ua haujlwm hauv UW,

Kuv vam tias nej yuav nrhiav tau muaj tej yam zoo ua rau lub caij huab cua zoo thiab tso tej kev nej yuav tau coj txawv thiab nyuaj cia me ntsis rau lub caij ntuj sov no. Nws twb tau muaj tshaj ib hlis los lawm thaum peb pib peb tus qauv [Smart Restart](#), nrog cov qauv yuav txais cov mejiyig rov tuaj rau hauv tsev kawm ntawv uas muaj ob yam kev yuav qhia ntawv, pib Cuaj Hlis xiab 2.

Nyob rau lub caij ntawd, tus kab mob los peb lub tsev kawm ntawv yeej tsis nres li. Hnub no, kuv qhia rau nej ntxiv txog peb kev npaj thiab tej yam muaj tshiab pauv peb kev npaj.

Peb yeej txhawb peb lub zeem muag kom yog ib lub tsev kawm ntawv thiab kev tshawb fawb kawm kom muaj npe nyob hauv qab ntuj. Tam li ib lub tsev nyob kawm ntawv, peb thwm muaj nqi heev qhov kev qhia tim ntsej tim muag. Qhov no tseem ceeb heev rau cov mejiyig uas tsis muaj twj (*technology*) zoo, tsis ua haujlwm tas li, los ib qho chaw nyob zoo rau kev kawm. Rau cov no, peb xav tias nws tseem ceeb yuav tsum rov muaj kev qhia ntawv nyob rau hauv thaj chaw kawm ntawv yog ua tau kom muaj kev nyabxees. Zoo ib yam li qhov ntawd, nws kuj muaj cov kev tshawb fawb kawm uas yuav tsum muaj nyob hauv tsev kawm.

Peb ua txhua yam li peb ua tau txo kev tsis zoo txog noj qab haus huv rau cov mejiyig, neeg ua haujlwm thiab xibfwb. [Peb cov qauv \(our plans\)](#) yog raws li kev ntsuam tus kab mob thiab kev kom pejxeem ua thiaj muaj kev noj qab hauv huv qhia. Lawv muaj xws li kev sim kuaj zoo, taug qab twg tau nyob ze ib tug muaj mob, ntsuam cov cim mob, kev xyuam xim ua raws kom tu tau zoo, yuav tsum npog qhov ncauj qhov ntswg hauv cov tsev thiab sab nraum zoov thaum nyob tsis tau sib nrug deb, thiab zaum sib nrug deb hauv cov hoob kawm. Cov ruam no, nrog peb cov qauv qhia tim ntsej tim muag thiab nyob ib qho qhia, ua rau peb cia siab tias peb yuav muaj peev xwm rov qhib tau ib co kev kawm nyob hauv tsev kawm ntawv lub caij ntuj tsaug yuav los no.

Peb ua tib zoo ntsuam xyuas cov kev tus kab mob COVID-19 kis ntxiv nyob hauv Dane County thiab xeev Wisconsin. Peb pib pom tias cov neeg kis tus kab mob hauv Dane County asthiv puav tas no kuj tsawg zog thiab kuj tham nrog cov thawj coj hauv zej zog tas li txog cov no. Tam sim no peb tsis pauv peb cov qauv rov qhib li cas.

Cov neeg ua num tam sim no thiab ua haujlwm lwm qhov tuaj tau zoo, thiab cov yuav tsis tau tuaj ua cov luag haujlwm nyob kiag hauv tsev kawm ntawv lub caij ntuj tsaug no, yuav ua haujlwm lwm qhov tuaj ntxiv. Cov neeg ua num yuav tau rov tuaj ua haujlwm hauv tsev kawm ntawv yuav tau txais kev qhia yuav tau ua li cas los ntawm lawv tus thawjsaib lub Yim Hli xiab. Yog nej paub tsis tseeb cov qauv rau lub caij ntuj tsaug no yuav muaj li cas rau nej thiab nej pawg, kuv cuab nej zog kom hu nej tus thawjsaib.

Rau cov haujlwm uas yuav kom tuaj kiag, tau kom cov chaw ua haujlwm hloov cov caij ua haujlwm txog kom cov neeg ua num tsawg rau tej thaj chaw rau tej lub caij. Qhov no tseem

ceeb heev rau cov chaw muaj neeg coob koom ib thaj chaw.

Kuv paub nej coob leej muaj cov menyuam tseem kawm ntawv nyob tom tsev, thiab peb kuj saib raws ntau lub zos muaj kawm hoob k-12 hauv Dane County, nrog rau Madison Metropolitan School District, uas tau tshaj tias lawv yuav pib kawm ntawv nyob online, txog lub Kaum Hli.

Peb paub tias qhov no nyuaj npaum li cas rau peb cov tsev neeg vim nej muaj coob tus yuav tau xyuas menyuam kev kawm thiab zov menyuam nrog lub caij nej yuav tau ua haujlwm. Rau cov yuav muaj raws li qhov no kuv cuab nej zog kom nrog nej tus thawjsaib tham. Thaum ua tau, peb yuav muaj caij yooj yim rau ua haujlwm.

Txawm peb ntsuam kev pauv sab nraum tsev kawm ntawv, los peb kuj ua ntau ruam ntxiv npaj rau peb tus qauv *Smart Restart*. Asthiv puav tas lo no, peb tau rov qhib ntau yam kev pab, xws li qhib lub *Terrace*, muaj nqa ub no hauv cov *Libraries* thiab lub *Chazen Museum of Art*, thiab tseem xyuas ntxiv lwm qhov yuav qhib ua ntej rau lub caij kawm ntuj tsaug.

Hnub puav tas los no, peb tau tso tawm kev qhia txog txhawb [cov mejiyig txawv tebchaws \(international students\)](#), [kev kuaj sim \(testing plans\)](#), [kev nyabxeeb rau tus kws qhia ntawv \(instructor safety\)](#), [kev nyabxeeb rau tus neeg ua num \(employee safety\)](#), [kev tus mejiyig xaiv cov hoob \(student course selection\)](#) thiab [tag nrho cov qauv rov qhib \(overall reopening plans\)](#). Raws li kuv haiv tas, [tej pawg neeg cov thawj cov hauv tsev kawm ntawv xaiv \(teams organized by campus leaders\)](#) tab tom nrog txog pua tus neeg ua num thoob hauv tsev kawm ntawv xyuas.

Kuv tu siab hais tias peb muaj xov xwm tsis zoo txog nyiaj txiag xeev npaj yuav siv. Governor Evers tau kom txo \$250 lab (*million*) rau thoob plaws cov chaw ua haujlwm hauv xeev rau xyoo tam sim no, uas pib Xya Hli 2020 mus txog Rau Hli 2021. Nws thwm tias cov koos haum hauv xeev yuav tau txo nyiaj siv npaum no rau xyoo tom ntej. Txhawm tsis tau paub tseeb qhov txo rau UW System yuav raug npaum li cas, nws yeej thwm tias lub tsev kawm ntawv no yuav raug txiav nyiaj xeev pab ntau ntxiv rau xyoo tom ntej no. Kuv zoo siab rau qhov tus *Interim System President* Tommy Thompson tab tom xyuas kom txo tau cov nyiaj yuav poob no rau tag nrho System. Cov tsev kawm ntawv nyob hauv UW System yog cov ua kom lag luam khiav tau zoo thiab lag luam tab tom yuav poob nyiaj ntau vim tus kab mob kis loj.

Kuv qhia tseeb tias qhov yuav raug txiav nyiaj txiag npaj siv tsis yog qhov peb xyuas ua ntej txiav txim qhia ntawv tim ntsej tim muag thiab nyob online rau lub caij ntuj tsaug yuav los no, nws tseeb tiag tias cov mejiyig rov tuaj coob npaum cas yuav tshuam peb qhov nyiaj npaj siv rau xyoo tom ntej no. Tam sim no, peb xav tias yuav muaj mejiyig coob rov qab tuaj, tabsis tsis paub tseeb txog thaum caij ntuj tsaug pib kiag. Kuv yuav rov tuaj ntsib nej piav ntxiv txog peb kev npaj nyiaj txiag siv tom qab caij kawm ntuj tsaug pib, kev xeev txo nyiaj pab ho yuav raug hauv tsev kawm ntawv li cas. Peb yuav paub ntau ntxiv txog qhov xeev yuav txo nyiaj li cas rau lub caij ntawd.

Peb yuav qhia ntxiv txog tej no li peb qhia tau tom qab nrog *governance leadership* sib tham, [tham nyob online \(hosting live webchats\)](#) uas muaj rau ntau pab neeg, teb nej cov lus nug siv email thiab tso ntaub ntawv tshiab rau hauv lub [Smart Restart](#) website. Ntxiv rau lub website, peb yuav muaj kev tshaj tawm txog qhov kev cob qhia yuav ua li cas thiaj muaj kev noj qab haus huv thiab kev nyabxees rau lub caij kawm ntuj tsaug.

Kuv pom cov kev ntxov siab, txhawj, thiab nyuaj siab tus kab mob kis loj no muaj ntxiv rau peb txhua hnub rau ntau yam hauv peb lub neej. Li cas los, kuv muaj kev vam thaum kuv hnob tias cov neeg ua haujlwm kuaj mob thiab peb cov neeg tshawb fawb pab peb nrhiav kev to taub thiab tswj tus kab mob no. Kuv kuj zoo siab tias lub caij no peb lub tsev kawm ntawv kuj ua ntau yam pab peb ib tsoom thiab lub xeev, tsis hais cov tsim kos ua cov khoom tiv thaiv kom txo kab mob kis tsawg thiab txiav kev tus kab mob kis, los cov paub txog kev coj thiab pab tib neeg daws teeb meem nyuaj siab. Sib koom ua ke, peb yuav mus dhau lub caij nyuaj no.

Kuv yuav qhia rau nej ho muaj li cas ntxiv rau asthiv puav yuav los no. Tam sim no, thov npog qhov ncauj qhov ntswg, nyob kom sib nrug deb thiab ntxuav nej ob sab tes! Kuv vam yuav ntsib nej sai thiab koom nrog nej coob tus rov tuaj ua haujlwm rau hauv tsev kawm ntawv lub hli tom ntej.

*Chancellor* Rebecca Blank